

Gveigangj Si Guh Hozdung Ciendaez Lwnhgangj Couqmaenh Gij Eiqsik Caezcaemh Cunghvaz Minzczu

Vih haeujlaeg hagsib gvancez gij swhsiengi youqgaenj Siz Ginbingz cungjsuhgi gvendaengz gyagiengz caeuq gajndeih hong minzczu, cienzmienh gvancez lozsiz gij iugouz youqgaenj gvendaengz hong Gvangjsih Siz Ginbingz cungjsuhgi gangj haenx, Gveigangj Si haiguh hozdung ciendaez lwnhgangj couqmaenh gij eiqsik caezcaemh Cunghvaz Minzczu.

Baez ciendaez lwnhgangj neix guh yienh(si, gih), yanghcin(diuzgai), mbanj(segih), hagdangz, sevei cujiz, giyez daengj gungh cibsei aen

cienciengz. 12 nyied 6 hauh, ciengz daih' it youq Gveigangj Si Gangjnanz Gih Can' gyangh Cin Yinzminz Cwngfuj guh, dangjyenz ganbu caeuq gak cuz ginzcung gungh caetcib vunz camgya.

Hozdung iugouz gak gaep lingjdaug ganbu daiqdaez guhyiengh, yungz senhconz caeuq lwnhgangj couqmaenh gij eiqsik caezcaemh Cunghvaz Minzczu haeuj ndaw hong diucaz yenzgiu caeuq ngoenznaengz bae. Gak dieg gak bumwnz gak danhvei laeb donzlnhgangj bae gihcwngz, caeuq

ginzcung ganggoj doxlwnh, bae gyawj ginzcung lwnhgangj. Dazyinx daengx si dangjyenz ganbu caeuq gak cuz ginzcung laebmaenh aen leixniemh "maeuz daengx buenz bietdingh aeu maeuz hong minzczu, maeuz hong minzczu couhwdg maeuz daihbuenz", laebmaenh aen leixniemh caezcaemh "sei aen doxcaemh", demlai "haj aen nyinhdoengz", couqmaenh gij eiqsik caezcaemh Cunghvaz Minzczu.

(唐远全/Dangz Yenjcenz)

Gaiq Daihbet Gvangjsih Fanh Mbanj Lanzgiuz Doxdax Giet-saiq Youq Cenzcouh Haiguh

12 nyied 6 hauh, gaiq daihbet Gvangjsih fanh mbanj lanzgiuz doxdax giet-saiq youq Cenzcouh Yen haiguh, yienhciengz vunz lai vunz daih, heiqaenh naemq raixcaix, vwnzyi yienjok caeuq doxdax hawj vunz lai yawj ndaej rimhoz. 6-8 hauh Gvangjsih daengx gih cibsei aen doihlanzgiuz daj cibsei aen si daeuj haenx doxcomz Cenzcouh, youq giet-saiq ndawde beijbuek haenqrem, ciengj aeu daeuzmingz.

(唐广东/Dangz Gvangjdungh)



▲Giet-saiq ciengz daih' it haigiu.



▲Hozdung yienhciengz bouxgagnyienh fat swhliu hawj ginzcung.

Denzyangz Gih Guh Hozdung Senhconz Ngoenz Fapguk Guekgya

12 nyied 4 hauh, Denzyangz Gih gak mizgven bumwnz doih-fugsach gagnyienh bujfaz doxcaez youq Baeuqroxdoh Vwnzva Gvangjancz guh hozdung senhconz fugsach ngoenz fapguk guekgya, doenggvaq venj fukvang,

fat swhliu, hoiz camcaz, gvangjbo daengj lai cungj hingzsis, senhconz cienzdoh fapguk cihsiz, youq ndawbiengz cauheiqaenh naekna "gingq fapguk, hag fapguk, souj fapguk, hen fapguk, yungfapguk". (黄国顺/Vangz Gozsun)

Yungzsuij: Gvaq Cieng Myauzczu · Gap Lauxdoengz

12 nyied 7 hauh, Yungzsuij Myauzczu Swciyen Mbanjmunghuh guh hozdung "gvaq cieng Myauzczu · gap lauxdoengz", Myauzczu ginzcung ndang daenj buhvaq gyaueget, angqfwngfwng doxcomz giz ndeu, guh

gap lauxdoengz, boq aenvenz, diuq foux Myauzczu daengj conzdungj minzsug hozdung, supyinx haujlai bouxhek daeuj caemhcaez angqhoh cieng Myauzczu.

(龙林智/Lungz Linzci)



▲Myauzczu ginzcung hwnj daiz vienjheiq.